

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
ZENICA
Broj: T04 0 KT 0048053 22
Zenica, 07.04.2022. godine**

HITNO PRITVOR!

**KANTONALNOM SUDU U ZENICI
-Sudiji za prethodno saslušanje-
ZENICA**

Na osnovu člana 45. stav 2. tačka i) i člana 241. stav 1. Zakona o krivičnom postupku F BiH, podižem

O P T U Ž N I C U

Protiv:

ŠKILJO EDINA, rođen 1970. godine općina Doboj Jug,

Što je:

Dana 06.02.2022. godine, oko 19,00 sati, u mjestu ..., na području općine Doboj Jug, a nakon što je vraćajući se iz lova vozilom marke „Fiat punto“ u ulici ... na lokalnom putu susreo svog komšiju Š. F. na motociklu marke „Tomos“ izašao iz vozila koje prilike je zbog ranije neraščišćenih računa i nesuglasica došlo prvo do verbalne prepirke a potom i međusobne tuče u kojoj su obojica u alkoholisanom stanju srednjeg stepena opijenosti, Škiljo Edin sa koncentracijom alkohola u krvi od 2,33 ‰ a Š. F. sa koncentracijom alkohola u krvi od 1,96 ‰, uz naguravanje a potom i gombanje po tlu jedan drugom zadali više udaraca po tijelu i glavi da bi mu, nakon što se Š. F. pridigao sa tla i motociklom krenuo svojoj kući koja se nalazi u navedenoj ulici na broju ..., Škiljo Edin uputio riječi prijetećeg sadržaja „Ja ću te večeras ubiti, neko će večeras poginuti ili ja ili ti“ i „Sad ćeš vidjeti“ poslije čega je iz gore pomenutog vozila uzeo lovačku pušku marke „Baikal“ model „IŽ-27EM -1C“ serijskog broja ... kalibra 12/76 mm i otišao pred F. kuću istovremeno ga dozivajući u namjeri da se dalje rasprave koje prilike je F. ispred svoje kuće na njega bacio jedan crijep, na što je Škiljo Edin u namjeri da ga usmrti sa udaljenosti od najmanje 5,50 metara iz gore navedene lovačke puške u njegovom smjeru ispalio najmanje jednu patronu, svjestan da ga tako može usmrtiti i htijući to, pri čemu je sačmeni snop Š. F. pogodio u predjelu stomaka nanijevši mu na opisani način lahku tjelesnu povredu u vidu prostrelne rane prednjeg trbušnog zida koja ne probija u trbušnu šupljinu, zbog koje povrede je oštećeni Š. F. pobjegao sa lica mjesta radi ukazivanja ljekarske pomoći dok je Škiljo Edin ostao na mjestu događaja čekajući policijske službenike,

dakle, pucanjem iz vatrenog oružja pokušao drugoga usmrtiti,

čime je počinio krivično djelo ubistvo iz člana 166. stav 1. u vezi sa članom 28. KZ F BiH.

